



李仲達先生詩集序

聞人之著古管者李爲最獨以太白之逸才震
舉長源之鏢骨天香義山之繡腸月艷而合爲
元禮冰稜霜鏗集千古一人之大成我儀圖之
莫云觀之其惟仲達先生乎先生在西臺直聲
震朝野彈擊內外二魏值兇燄燎原之時卒罹
鉗網以至實身北寺後之歌思先生者蔑不頌
其披鱗折檻之言以想見其當年鳳翽馳雷

轟電掣之氣象而於先生之詩文姑置弗道矣
不知高山之體固以崔巍崒嶽爲雄而當其岫
幌疑烟嵐眉拖黛之頃則秀麗溢出於天表而
瞻仰不廢流連海若之奇固以沐日浴月爲大
而至於小浦漁舟橫波鷗鳥之趣則清冷沁徹
於人心而觀止又兼怡悅余小子今讀先生之
詩蓋恍然遇斯景也顧余雖弗及摳衣納履於
先生之側而神交侶有夙緣憶方舞象時先生
無歎如仲達者死於可矣仲達就檻車余以小
舫送之途見其神審閑定怡狀灑狀無絲毫恐
怖罣礙唯以不得終養二尊人爲餘憾茲艸中
之低徊歔歎語寡而情深皆此志也傷哉古之
至聖遇患難殷憂則托之琴劔和歌玩圖演畫
吾雖不敢輕易舉以比擬而仲達一種幽憤惻
摯思親愛君壯志欲呼熱血可灑其庶幾汨羅
之騷長沙之賦漸離之筑易水之歌耶不狀何

其言之哀婉如訴而不涉怨誹有貫虹裂石之雄而無青火陰房之慘一至於斯耶昔宋文信國成仁取義之詞我

明楊忠愍浩氣丹心之句皆其百鍊精忱臨危愈勵今試觀仲達亾前一什不有千載相映發者乎仲達爲人恂恂粥粥遐朕自下興寄玄遠則韻士操修枯約則老衲生平嗜戴籍工諷詠神明風雅著在簡帙不乏而吾獨敘斯草蓋

好學力行謹身取友與余未謀面而先論心謂此箕裘弓冶兩姓之交道存焉子弟可以稱述父兄弁言簡端固其職矣夫龍門人所競登而先生之集大成文章氣節斐然爛然恐非余小子三十年以爲心師而拳拳服膺者不能爲先生寫炤而千古上下河源海委姓氏煒煌豈惟先生如龍行空中鱗爪皆見而余且筮得中孚之二爻曰鳴鶴在陰其子和之是在膚公勉旃

更爲余負荷析薪之助此又兄弟相勗之義也
甲申新秋吳郡通家子姚宗典題于鄧尉山麓
之嬾雲軒

敘李仲達受命艸

仲達官西臺不二載先後疏十五上又代堂艸
者六中間斥姦發逆切中要害其言鏡後若券
而權凶銜憾最深卒以此歿吾仲達茲受命艸
則赴逮以後捐軀以前之篇什也余讀之嗚咽
哀愴涕泗橫集繼而感憤悲壯椎心撫膺已復
整襟肅容莊眎屏息且服且歎謂我
朝廷得養士之力而仲達得致身之義也夫仲

落落齋遺集 卷三
達言官也職在觸邪則職與身孰重時值外輔
內奄張牙磨吻乃奮臂不顧以速其必噬至於
敗類凶驄罪難罄竹仲達既視憲草而能已於
痺惡之文乎既有彈文而能免於玉碎之厄乎
前猶舉世所同仇也而此乃仲達所獨擊也其
怨毒益專益甚而不可解而仲達安得不死吾
嘗爲設身以思不爲言官不值此時不欲盡職
則已外此唯有死殉之耳孟子曰可以死可以

迥擢上第自攜一編紙貴國門余購而讀之輒
一字一拜朝夕哦咏寢斯食斯每當快讀樂不
可支仰天而呼曰仙乎仙乎如置此身於蓬島
閩風之上也自丙辰訖丙寅十載之間先生宦
成節立乃至血碧心丹磅礴霄霓上爲星下爲
嶽則又二十年所矣他人之慕先生者已久托
諸烟雲窈渺髣髴有無之鄉而余復何幸辱先
生賢胤膚公之不棄授先生詩數卷命卒讀而

序之誦其詩想見其人迴思童年捧自攜艸寤
寐詠歌猶昨日事今又拭髯几熱水沈對此珠
玉琳琅與先生炯炯性靈酬酢於風清露白之
下豈非余小子之奇遇哉獨余少好吟而先文
毅輒許之謂韵語差勝帖括然學不殖則落至
今若蒼蠅聲耳以不敏如余而序先生詩乃襲
珠玉以茅苕也惟是先生與先文毅有椒蘭之
契陶陶款款九原如生而膚公奉元禮之家墓
仲達之所重尤有在云義興友人周延儒拜手
敬書

君杼忠歿節品可吾師不欲復稱君字狀試
舍字而別稱或爵或里又非君屬草時本色
且暮間當有

易名鉅典吾將改而行焉嗟嗟十載及門百身
莫贖往爲君弁鴻篇以行世今爲君敘麟筆
於僅存源懷黯狀何以堪此延儒又識

落落齋遺集目錄卷三

受命草

赴 逮至郡

其二

郡中別徐元脩

其二

潤州別貢悅茲

大兄同行因憶五弟

述行

鄒縣道中有問予姓名而下淚者口占一首

途遇感懷

書驛亭壁方壽州詩後

景州道中感懷

宿邨店

呈大兄

其二

其三

獄中遙寄蔣澤壘

絕筆

其二

別次兄

歸田草

歸舟漫述

其二

其三

其四

其五

其六

其七

其八

清源道中春盡

渡江遇風波甚惡口占一絕

感時

詠史

其二

其三

其四

其五

其六

落落齋遺集卷三
苦旱次韻

落落齋改築次昌仲伯韻

喜雨

伯父移居南庄諸君有贈次韻二首

其二

聞桂

九月十三月下

其二

舟中

藤溪

山行及暮歸舟對酒偶題

伯父卜宅南庄屢有佳篇命和詩思荒澁

積逋滿案立冬日從大人再過新居出

高曾手墨瞻歎之餘歡飲竟醉越兩日

始了前逋并賦此詩用呈博粲耳

用黃中介韻送別青林上人歸棲賢寺二

首

其二

次伯父詠菊花韵

題畫

讀宗忠簡傳

病目書悶

和黃白安年兄見寄之作

其二

其三

其四

顧山樓山茶次前人韵

再次前韻寄表兄周克九

哭季弟

其二

其三

其四

其五

其六

其七

其八

其九

其十

其十一

其十二

其十三

贈華竹所表母舅六十

落落齋玉梅盛開用東坡先生韻

花落後次前韻

夢中得句覺而足之

贈陶景淵表伯

醉中戲作似漢如

息影篇

贈郁景韓先生

陸振齋五十初度有約過訪

元宵憶作

蜀山

金牛巖

張公洞

其二

玉女潭

龍湫

君陽洞

一線天

天窟

玉女寺嘗新茗

別毛禹門

放舟東次

桃源澗

落落齋遺集卷三
佛日春晝

其二

東昌仲伯乞竹

移竹後次來韻奉答

閱子春甥文口占勗之

喜雨次韻

其二

次韻遣病

伯父同 大人及二兄東樓讌集伏枕遣

懷時季弟亦閉關東園

孫翁以初度喜雨二詩見示兼惠佳篇走

筆奉答

寄繆采星

其二

金山小酌別有亭賦別諸友

過鄒滕漫賦

其二

其三

望嶧山

九日早行

是夕宿景州署

白溝次韻述懷

十一月十四曉雪恭遇

聖誕退朝有作

三遊草

渡江偶成

關山感述

雨後曉懷

漳河渡弔曹瞞疑冢

過金堤村有懷

秋夕野渡

曉行

曉發涿州賦呈譚幼方

述行

九日武闈觀射

月夜觀陸君染素

九月十三飲朱白岳柯亭竟夕乃別

其二

弔張見平老師

沙河夜酌

旅店

關山用璧韻四絕

渡江

別匡草

度庾嶺

滇江紀行

其二

鮮龍眼

晚行

中秋棘闈坐月

閱卷已竟喜而有作

宿山村

途次口號

過寧都市

予以九月十二度庾嶺而西秋爽始見旅

程十日俄已入冬秋色幾何悵朕增嘆

援筆述之

見水鷗捕魚者

放灘

吳巒穉師爲其婿莊春侯索贈勉促數言

兼訊贊伯黃子

雪夜行

雪晚薄霽有懷山榭梅放

大雪曉行書所見

十六憶元宵竟度

舟中欣欣得名酒嘗之酸甚有嘆

烈風蕩舟達曙

孫翁七十

招五閣銘

其二

其三

其四

夏日西湖局罷自狀表叔拈棋字即席一首

龍井寺

杭城得季弟手報

西湖即事

其二

其三

其四

其五

其六

落落齋遺集目錄卷三

終

落落齋遺集卷三

江陰李應昇仲達著

男遜之輯

受命草

赴 逮至郡

已作冥鴻計誰知是僂民雷霆驚下土風雨泣

孤臣憂患思賢聖艱難累老親生還何敢望解

網誦湯仁

落落齋遺集卷三
聖德方虛已愚忠敢瀝丹慚無一字補空復數
行彈臣罪應難赦君恩本自寬淒淒楊柳色
誰爲問南冠

郡中別徐元脩

相逢脉脉共淒傷訝我無情似木腸有客衝冠
歌楚調不將兒女淚沾裳

南州高士舊知聞如水交情義拂雲他日清朝
好秉筆黨人碑後勒遺文

潤州別貢悅茲

莫說蒼蒼非正色也應直道在斯民憐君別淚
濃於酒錯認黃梁夢裡人

大兄同行因憶五弟

勞勞車馬日追隨一髮餘生不可期回首轉嗟
鴻雁影斷腸初信鵲鴿詩白雲渺渺迷歸夢春
草淒淒泣路岐寄語兒曹焚筆硯好將犁犢聽
黃鸝

述行

便成囚伍向長安
滿目塵埃道路難
父老驚心呼日月
兒童洗眼認衣冠
文章十載虛名誤
封事千言罪業殫
寄語高堂休苦憶
朝來清淚飽供餐

鄒縣道中有問予姓名而下淚者口占

一首

身名到此卑張儉
時勢於今笑孔融
却怪登車攬轡者
爲予灑淚問蒼穹

途遇感懷

春申好士祇虛名
勢利遺風古道輕
不見彈冠舊膠漆
驅車相避隔林行

書驛亭壁方壽州詩後

君憐幼子呱呱泣
我爲高堂步步思
最是臨風凄切處
壁間俱是斷腸詩

景州道中感舊

細數知交在逍遙
各一方魏齊方睥睨
阮籍一

落葉遺集卷三
猖狂形影悲相弔音書夢已荒古人不可作搔
首問蒼蒼

宿村店

日暮停車塵滿衣
謹譁土語是還非
祇憐歸夢三千里
不及呢喃燕子飛

呈大兄

長途聯袂若爲歡
咫尺京華不忍看
此去幽囚腸百轉
總餘清淚對誰彈

北地風沙到始知
那堪病骨苦支持
從今用晦艱難甚
莫遣離憂減客肌
兄自料生聊煖眼
我惟料死總灰心
雙親但有平安字
傳得些兒抵萬金

獄中遙寄蔣澤壘

與君異姓爲兄弟
意氣寧論杯酒間
他日蒙恩弛黨禁
老親稚子待君看

絕筆

十年未敢負 朝廷一片丹心許獨惺只有親
恩無可報生生願誦泐華經

絲絲循省業因微假息餘魂有夢歸燈火滿堂
明月夜佛前合掌着緇衣

別大兄

病餘憔悴一孤身歸去寬心慰兩親長願生生
爲手足鵲鴿原上了前因

歸田草

歸舟漫述

屈軼竟誰是清流禍已浹古人多放逐志士豈
浮沉長得承歡日閒來生道心溪林隨意好搔
首一高吟
蕭然返初服樽酒弔餘生有筆寒權佞無官答
聖明避人尋蝶夢畏影入鷗盟何事長沙傳傷
時意未平

拙宦久如蠟危言敢避繒孤踪依主聖直道
與時升捧檄憐毛義登舟愧李膺諒哉名是患
吾欲學無稱

用蕭伯玉韻

旅程閒夜月又是上弦時林靜烟無際波搖影
自疑多情愁對酒失路怕彈棋春色歸何處停
雲有所思

幽吟長抱膝破浪偶乘風十載冰霜意一天烟
雨中項強須請劍舌在漫書空纔脫樊籠外身

心已不同

寂寂孤舟去川原次第移清風如有意明月若
爲私噴喜浮生趣盈虛靜者知暮雲閒望裏應
是倚閭時
千秋應有托吾道是耶非俠客成奇貨高名乃
殺機誰操南史筆空溼楚囚衣長嘯歸舟晚吾
將老釣磯

懷祿未能養離憂空數秋世情爭腐鼠時事聽

落落齋遺集 卷三
黎丘書卷供清嘯林園足臥游爲歡餘菽水不
作稻梁謀

清源道中春盡
回首昨宵如夢裏每疑身世是虛舟逐臣已共
春歸忒時事今同水北流

舟過鎮江遇風波甚惡口占一絕
敢謂平生仗忠信也知無罪葬江魚風波滿眼
真如此白日青山好結廬

感時偶成
生還恩不薄但恨諫書稀何日酬明聖牽裾碎
袞衣

詠史
我觀顏魯公剛大塞天地視彼藍面鬼白日炤
魑魅胡因不見容刺譏中所忌中丞秉皎節丞
相逞陰鷲父子旣氷炭甜血有餘懟蠶尾遂不
解君子言毋易

半歲百八疏伯兩直如矢七年乃一鳴陽城天
下士古今不相師道固行所是我讀諍臣論激
昂礪其齒嫉邪履危機言官安免此
黨籍何炳烺豪傑恥不與密網無遺鱗呼吸艸
頭露媪相尚自可公相不可怒牛李誰是非洛
蜀竟同錮揖盜挺何及鬪室事已誤賴古慰吾
懷蒼蒼庶可訴

父子本一體異類知相親胡乃帝王家戈矛難
具論嬖佞移人性勢利生不仁疏滯而解鬱豈
不在賢臣鄴侯得茲理悲婉出至誠委曲以盡
孝何畏一婦人

諸子可復有兄弟難再得此語何凄狀文皇有
慙德事過心乃明欲盡理不息張氏持忍戒陳
氏以公克百犬尚共牢何況同父出佞人誠戈
矛婦言亦螟螣勗哉發至誠以爲薄俗式

苦旱次韻

落落齋遺集卷三
莫論稗九與糲十可歎龜紋遍原隰七夕方疑
天漢枯中元不信鬼路濕諺云鬼不枯棹空閣
行乾路
千家啼網罟絕流萬魚急昨日雲濃雨不來願
斬乖龍安縣邑

落落齋改築次昌仲伯韻

開軒散餘暑所覺惟空冷落落無長物休休寄
此亭乾坤容獨笑今古問誰醒時有清風入
牕隨意尙

喜雨 是夕時雨演幽閨遂至四鼓

涼生靜夜酒籌行爛雨高歌醉太平風勢排空
彈板急電光入座舞衣驚田家好景三公薄世
事逢年百慮輕甘苦望中情似此牀頭那惜釀
全傾

伯父移居南庄諸君有贈次韻二首

一區卜得此林泉煖眼初尋佚老緣白社幾人
來月下青山有約到樽前詩囊錦粲追長吉書

帶香飄憶鄭玄聞道更移千卷去墨莊今在古
塘邊

蒙茸竹樹覆清溪梁棟平新眼欲迷邨是莫愁
應不厭孫惟楚老許相携瀾翻驚座看揮塵矍
鑠閒身未杖黎世態浮沉真電影不如洗耳且
溪棲

聞桂

幽居澹人性散目多欣悅秋清羣彙鮮雨過孤
雲潔偶狀芳樹間津津欲流舌嗅之有飽意風
送乃清秘賢愚同此歡功名等一折何似月下
聞停杯斷言說

九月十三月下

心煩漸覺懶吟詩秋老還須健舉卮獨對月明
等往事數聲哀雁不堪思
中秋風雨獨淒淒九日無花醉似泥今夜一枝
明鏡裏小牕紗冷壁颺嘶

舟中

纔得清酣酒暈消
秋風落葉響孤船
黑甜一枕三竿日
錯過山前拂水腰

藤溪

陰陰古木掛蒼龍
片片寒雲落彩虹
鐘靜蒲團僧不語
冰心真覺轉頭空

山行及暮歸舟對酒偶題

閒身似秋葉得與好風俱
山意宜人醉溪容合

字愚吟詩餘冷瘦
把蟹出尖腴
汗漫從茲始無
心擊唾壺

伯父卜宅南村屢有佳篇命和詩思荒澁

積逋滿案立冬日從大人再過新居出
高曾手墨瞻歎之餘歡飲竟醉越兩日
姑了前逋并賦此詩用呈博粲耳

剩有悲秋意當筵入小春
雁聲清不斷菊色好
誰紉墨寶留先澤詩逋笑腹貧
新居輪奐美和

氣莫生嗔

用黃中介韻送別青林上人歸棲賢寺二

首

重見山中客因思橋上遊

寺右數十武新建籬雲橋奇勝不減三峽

余與袁太守九滌屢游此

歸雲翻翠壑夕炤激寒流把酒一

長嘯清狂不自由祇今孤夜月鳴鶴語相酬

我愛棲賢寺常爲十日游此生成吏隱宿世合

緇流鹿友今誰在杉溪有夢由遠公相送處清

願尚應酬

次伯父咏菊韻

可惜芙蓉不耐霜難將冷艷貯西堂全收秋色

歸佳節剛許黃花占晚芳高韻轉令籬落貴貞

姿不逐滓泥香持螯把酒欣孤賞身世悠朕已

兩忘

題畫

空山流水不同聲縹緲寒雲古木平只合山中

落落齋遺集卷三
老居士布袍芒履畫圖行

讀宗忠簡傳

塵未掃氣先吞指顧山河手欲捫一髮神州
存社稷兩行血淚動乾坤聲馳義旅旌旗合膽
落天驕姓字尊長恨英雄賚志沒三呼誰爲賦
招魂

病目書悶

我生近自朕四體喻於靜惟有兩眸子散悅厭
孤暝親書追逝駒幽林搏素影寤寐意交馳憎
喜紛相逞胡爲赤暈生澁淚不能忍抱膝悶長
日模糊窺隙井見暗乃息機面壁真獨醒神亦
惡太勞瞿狀發深省

和黃白安年兄見寄之作

寒雲出岫許誰知關筆長安未賦詩此日孤吟
盡悲弔幾行無字幾行思
劇談引滿慣相過跋扈飛揚柰爾何棋力便饒

稱敵手掀髯笑我更婆娑

隱几焚香學坐忘非閑非病亦非忙游魚已覺

冰鱗靜倦鶴還聞清唳長

春光艷冶到西湖季女妖童入畫圖何日狂歌

等舊約清風明月屬吾徒

顧山樓山茶次前人韻

何年嘉樹老空谷古幹摧謝孫枝高寒碧霜稜
伴幽桂爛紅春色凌天桃夕陽對酒艷歌發快

閣題詩白筆操天與青山閒作主山僧且莫厭

頻遭

再次前韻寄表兄周克九

時克九携妓見招

久拚却掃雲屏臥偶為看山蠟屐高酒暈眼迷

來玉女摘香幽冷記冰桃清歌未遣周郎顧喝

棒難逢佛印操月白山空喘意懶剩將逸興寄

他遭

哭季弟

憶爾方髫鬢人人擬秀童提携都解意笑語白
生風姊妹凋零後芝蘭喜氣中到今啼電影長
恨負吾翁

憶爾操觚日令予拍案呼筆花明畫錦風氣薄
時趨土骨宜人傑文星有夢符誰知秀不實腸

斷夜啼烏

時丙辰秋予初第歸地出土骨
又弟生時父有文星生之夢

憶爾來官舍慈顏喜氣紛芙蓉高閣夢麋鹿異
鄉羣舞袖聯花萼飛觴落彩雲早知須痛飲空

復苦論文

庚申歲弟至南康坐芙蓉
軒與白鹿諸生遙爲文社

憶爾杭州道三人送別時風霜猶作吏花燭早
催詩病骨憐勤惜文心好護持那知成怨偶伯

道竟無兒

辛酉冬予自粵闈還再赴南康
弟同大哥送我杭州亟歸娶婦

憶爾采芹公傳來西子湖高歌開望眼勝事屬
吾徒弓冶才堪寄詩書道不孤青衫何以歿泉

路哭窮途

壬戌夏予還至西湖聞弟入泮
時陶自然表叔同聞乃郎之報

憶爾迎還棹悲歡分外深逐臣生死日歸老弟

兄心慷慨歌聲發飛揚酒力任呼盧狂竟夕清
夢到而今

乙丑四月弟同
大哥迎我於錫

憶爾敦同氣情於娣弟親十年吾作客百畝姊
爲隣生計秋毫柝中懷子夜論拍浮厨下醉往
事欲沾巾

憶爾童心在磨礮日已新 母應憐少子 父
合責成人多病長縈繫謀生太苦辛相看師友
意流淚想書紳

憶爾虞山公因之減酒籌風清長恨別月好却
悲秋憔悴成消渴支離附贅疣死生何草草慟
哭向南樓

憶爾支牀褥辛酸泣委形百年心不死一息語
猶惺眼底風流盡行中雁羽零扶鸞空有約魂
公杳冥冥

五七之日弟附亂
書將以來日見夢

同將八口累獨使二親勞賴爾能成立爲予代
抑搔身名悲弱冠意氣失吾曹孤女真猶子離

魂莫夜號

當筵客散後兄弟即良朋
圖指爭雄長呼盧儼
色聲醉醒肝膈語坐立死生情
一滴今何處憑
棺血淚盈

浮生同一盡何必較彭殤
已悟身爲患應知道
是梁慧根明鏡裏淨業白雲鄉
春草池塘夢臨
風在斷腸

贈華竹所表母舅六十

博雅推先輩

濟川先生也

淳龐識後昆衣冠奕世遠

弓冶一經存竹借干霄色
蘭看繞砌繁老萊初

罷舞北海未開樽

時有外祖母之憂

落落齋玉梅盛開用東坡先生韻

春風有意窺幽村故與居士招冰魂
數枝低簷
散粉蝶月冷烟孤和曉昏
手刪叢條出疎秀情
親獨樹欺隋園不逢瑤華鬪
寒艷且許石丈分
清溫此花此種嬌
美色玉壺掩映扶桑暎還似

天姬顏十五芳馨靜對長掩門有酒惜花未忍
醉若近若遠花無言與爾相期老方外一回春
好一開樽

花落後次前韻

此生應老梅花村每聞花香欲斷魂玉妃爲我
尋芳信斜風細雨顰黃昏施朱太赤粉太白多
情容易老文園冰綃滿地憑誰剪鼻觀馥馥詩
腸溫殷勤護惜且莫掃素影弄色看朝暎蜂端
蝶去澹清晝疎枝斜立當應門西湖處士正愁
絕東坡先生已忘言月明却是花開夜不須惆
悵掩芳樽

夢中得句覺而足之

徙倚梅花月其如此夜何乾坤容俯仰身世一
高歌獨立歲寒意無言春色多未須怨搖落清
影正婆娑

贈陶景淵表伯

任真彭澤好小隱鹿門深先輩風流盡如君得
古心一經霄漢色十畝薜蘿陰棋酒留連夜渾
忘鶴髮侵

醉中戲作似漢如

春色深於酒當杯早欲酤漫教卿且去遑問夜
如何槐國誰雄長壺中獨笑歌賴君似處子觴
政未全苟

息影篇

贈郁景韓先生

先生三代之遺民侗乎嬰孩守其真行年四十
未抱子曰有猶子吾家珍我觀人情久漓薄輟
羹燃豆今如昨我思先生言藹如仁者有後種
斯獲先生至德多可師絳帳矜嚴夏楚時弦歌
已看莞爾笑猶聞諤諤持高規後生不見先輩
矩每挹先生倍懷古攷德蔚爲魯靈光素風雅

不羞環堵彈棋鬪指小羣驚燒燭飛杯逸興舞
只今七十正仙仙一經珍重語便便鶴老松青
未足說願侍杖屨鼓舞零鏗爾之鳴絃

陸振齋五十初度有約過訪

到門題字幾難逢剛是懸弧百歲中市隱却看
名似鵲風流贏得貌還童捲簾山入春光翠滿
坐樽開夕炤紅不愧瑯琊稱坦腹托孤端可對
而翁

元宵憶作

幾年逢此夜燒燭坐思家衙鎖烟花靜城荒金
鼓退燈殘杯易落孤月影先斜客思憑誰剪頑
童學語譁

蜀山

山腹常供萬室陶相逢狹路幾羣猱未應焚券
風流盡遺像空憐敗瓦高

金牛巖

誰驅山骨走金牛斜削巖花掩碧流磨洗殘碑
認遺跡雲峰亭倚素梧秋

張公洞

靈竒不信是人間仙佩冥冥去未還留得老龍
和玉乳一聲鶴唳下空山

其二

空洞濛濛剪石雲天門一柱海濤聞石林原有
青泥在灰却名心贈與君

玉女潭

危梁百尺俯空潭靜數冰鮮箇箇藍明月何人
吹鐵笛恐來玉女問遺簪

龍湫

懸崖相對碧潭陰風樹無聲冷色侵徒倚莫教
清響落有時人語一龍吟

君陽洞

天花一片落空巖幽洞雲飛白日樹流水香狀

天外公問津何處覓漁艫

一線天

斜穿石掌躡雲根曲曲清泉亂石蹲不道山深
如壁鼠却疑一線是天門

天窟

幽窟天孤日影寒小橋過後石梯攢尋芝吸乳
蝸涎出竅似仙宮屐齒乾

玉女寺嘗新茗

山中筍蕨不須除却坐蒲團嗅蕙花玉女恰供
潭上水山僧初摘兩前茶

別毛禹門

問君家在碧琅玕棲鳳無聲夜雨寒此日東山
初着屐何時北闕再彈冠萋萋春草根誰剪落
落孤松露未乾珍重臨岐相贈意數莖蘭蕙別
來看

放舟東次

初愜尋幽想輕帆渡楚舫萋萋草弄色汨汨水
歸溟午燕簾宜捲春風眼未醒諸山如有意連
袂向人青

桃源澗

空山日午不聞鐘兀坐虛牕聽遠松石屋有人
沽綠酒桃源何必問仙踪

佛日春晝

飛雲零亂落花風却醉孤舟夜雨中酒醒夢回

春色盡小園剛報芍欄紅

其二

可憐佛日送春歸贏得連朝侍綵衣爲憶當年
舊歌舞紅綰今作柳烟飛

東昌仲伯乞竹

每過幽篁裏雲深嬾得迴清齋鶴欲下爲乞數
竿栽

移竹後次來韻奉答

遺篇

次韻遣病

懊惱孤牕對雨眠呻吟纔過亦欣狀恰如倦鳥
垂雙翅一想遊魚浴大川生歿等閒成夢覺鬚
眉何事較媮妍連宵劇飲吾無恨好學淵明作
輓篇

伯父同 大人及二兄東樓讌集伏枕遣

懷時季弟亦閉關東園

綵衣強半侍蔬筵問禮來過几杖前底事清饒
看食指却因小極學枯禪人從花萼樓中醉句
向池塘夢裏傳眼底團圓渾未易酡顏相對好
留連

孫翁以初度喜雨二詩見示兼惠佳篇走

筆奉答

一曲陽春調豈同才非供奉懶相通風騷千古
何人遇骭麟生平任命窮彈鋏無魚猶喜雨懸

孤有酒莫書空伊予兩袖匡雲白剛自蕭蕭說
避驄

寄繆采星

士當貧賤時俯仰願易足一溪可垂釣環堵數
竿竹負郭百畝田妻子飽饘粥良朋挈壺過清
月枕書讀及其志已盈望奢天地促耻言忠厚
名喜逐澆漓俗回視簪季人邈若山與谷嗟哉
止足難古道不可復

其二

我友稟英姿筆舌吐纖秀五陵新艷時孤尚引
蘭臭松徑問疎月鐘閣哦清晝矢志謝豪薄苟
美期無疚意靜經史親業輕鬼神佑食廩先其
羣勉思醫寡陋智慧而乘勢時事多反覆懷有
絕交書勗哉善其後

金山小酌別有亭賦別諸友

別有看山意驪歌莫遣聞登樓開逃覽把酒惜

離羣秋色宜晴炤江聲入暮雲一泉携百斛分
贈與諸君

過鄒滕漫賦

東人憔悴未全蘇麥隴烏棲草欲枯唯有兩行
楊柳色青青得似舊時無
圯堞荒烟黯故城幾家耆舊弔餘生撫循正是
痾瘵日莫哆催科與聚兵
妖瘳赤熾說天丁京觀高時鬼不靈風雨黃昏

明月夜也應回首泣傳經

望嶧山

村郭蕭蕭白骨封山光依舊碧雲中頌秦碑後
阮儒厄公案於今復幾重

九日早行

披衣初覺曉風寒燈影茅簷炤錦鞍何處登臺
舒嘯傲數聲歸雁向江干傷秋衰艸連霜白報
國孤忠向日丹六載客遊羸一笑雲中五老醉

相看

是夕宿景州署

計程今夜月剛得上弦時有酒酬佳節無花憶
故籬日隨鴻影盡思入漏聲遲直擬凌霄漢登
高徒爾爲

白溝次韻述懷

夙有冰霜意今來烏栢端風高天象迥秋老劍
光寒碧水寒幃度黃花倚鏡看諫書稀未得不

敢乞承歡

十一月十四曉雪恭遇

聖誕退朝有作

天子萬年臣不寐五更理佩冠爲鐵坐看燼落
悄無聲捲簾試手驚一瞥簷櫺晃晃疑曉寒庭
宇蕭蕭靜霏屑九重傳罷萬年觴五步回車擁
爐葵日色模糊午未分烟生黯淡炊欲咽皓廓
不嫌井底坐清鮮差強窖中啣雙娥剪冷解烹

茶孺子書拋學拜雪門深不掃靜者趣酒力漸
微致可悅長安滿地灰自燃記取雪後餘孤潔

三遊草

渡江偶成

秋風載酒渡江干一曲驪歌掩淚看不管芙蓉
生別怨趁將明月到長安

關山感述

行行劒氣逼青霄兩袖春風水一瓢神鑿故懸
西嶺日心期未改北山樵當關虎豹空勞攘補
袞變龍久寂寥回首不禁憂國淚何人尺組繫

天驕

雨後曉懷

暑氣新秋薄征衣日日單涼生孤雨夜愁入五
更殘撫枕空尋夢聞雞欲據鞍秋風不解語懷
抱爲誰殫

漳河渡弔曹瞞疑冢

曹公之冢七十二英雄聊爾恣遊戲人生腐骨
等風烟爪髮劍佩竟何異我觀此冢亦非徒當
號呼分香賣履空羞澁草深銅雀啼鳥立只有
漳流暮來急塚中之人似相識

過金隄村有懷

靜夜車聲杳金隄小隊驅沙寒鴻影落露濕柳
烟無客思隨風迥闔心向月孤眼看秋色去無
那老征途

秋夕野渡

燕程入暮好疎軌不驚沙况是中秋夜方當望
月華雲消寒兔影水遠泛星槎竟夕看孤碧金
樽何處賒

曉行

客路催行急鄉關夢未勻秋風涼宿雨殘月淡
晴雲野店疎燈曉荒烟古木分忽驚羣象易初
日散霞文

曉發涿州賦呈譚幼方

萬里雲橫曉月西星寒睥睨角聲齊高堂入夢
人空遠古驛臨風酒欲淒涿鹿舊雄三尺劔榆
關誰借一丸泥日邊咫尺長安路且共彈冠聽
馬嘶

述行

行行重行行秋風空復情停車一回首何事別
離輕五月發洪都六月下西湖盈盈采蓮女緩
棹唱吳歛吳歛歌未歇十五當明月遊子別堂

前煮食笋與蕨母曰兒歸緩父曰兒蹇蹇故園
秋色深弗得長繾綣繾綣問酒籌休去覓封侯
綺緯明素影佳人字莫愁娟娟可憐此明璫靜
如水惜別太匆忙十日渡楊子楊子飄孤客征
車催古驛雲落醉翁青日炤濠梁白車過大梁
道往跡風塵掃金牌哭黃流銅雀埋青草自古
別離難猶聞易水寒馳驅且莫惜風靜一彈冠
彈冠北闕下有夢乘驄馬慷慨謝離思臨風而

獨寫

九日武關觀射

連朝疎雨淨飛沙纔見城頭映曉霞鳴鏑風高
嘶白馬登臺日晚醉黃花鄉心况復聞歸雁俠
骨誰知式怒蛙爲問於今買駿者可能青眼辨
龍蛇

月夜觀陸君染素

孤館秋宵迥空庭樹影涼一樽消永漏幾筆蘸

清光砧杵偏敲月征衣不耐霜悠悠無限思孤
鴈已南翔

九月十三飲朱白岳柯亭竟夕乃別

秋風淒野菊把酒意難忘况復吹簫夜全拚引
鳳漿聞歌如有恨對月易爲狂水調方翻就生
憎曉漏忙

其二

白岳侍兒曰素卿

大雅風流在柯亭事事嘉素卿酣水墨步帳捲

龍蛇竹影搖清露杯光泛紫霞投壺兼鬪指良
夜好誰賒

弔張見平老師

三晉古多忠義士只今正氣凌青霄青霄白日
懸烈膽我公之魂其可招魂兮慘淡朔風怒燐
碧沙黃霜滿路孤臣畫策不見收書生復計招
降誤鐵甲憑陵胡馬嘶烟合城頭腹心蠹臣非
守土可無死鼠狗偷生盡如此衝冠烈背折驕

奴蘇武不降李陵恥嗚呼衣冠拜闕何從容前
有睢陽後有公時無許遠誰與守公得歿所歿
何有憶公持斧西江上烽急羣推肉食將彼人
是哉公曰吁戟髯劔筆謬相向多公先見用公
晚浩氣猶爲本朝壯丈夫磊落斗牛寒羞殺檻
車責軍狀從公殉難崔與何皎皎三節汾之阿
聖主報忠原不薄志士聞之應枕戈自公歿後
誰男子西平亦有將軍羅嗚呼遼事不可說

得尚方斬辱國之妖魔

沙河夜酌

寒城無路得沽刁洛酒猶堪解寂寥但使醉鄉
歸夢好任他風葉帶霜飄

旅店

偶朕來野店寒月炤柴扉沽酒不得醉焚香且
療饑馬嘶霜皂白鼠啣壁蘆肥客路何時盡孤
衾有夢歸

關山用薛韻四絕

白雲古廟中
片片寒光曙
清磬偶狀聞
雲落無聲處

層巒日影孤
浮閣翠微裏
石腋霜未消
日暮寒烟起

剩有風霜色
山僧識我還
瞿狀拜遺像
白日滿高山

嶺勢控神州
巖關一劍留
月明嘶赤馬
山鬼夜

應愁

渡江

白露零時別
故鄉歸來衣
劍滿風霜江
寒轉憶秋濤
壯烟靜遙看
塔影荒

別匡草

度庾嶺

嶺表迢遙路初看第一山輕嵐凝宿雨老樹壯

空關地氣分涼燠車音辨往還行行聊復爾可

惜荔枝闌

滇江紀行

良晨理輕楫水滑風且柔青山映帶之禾黍繁
我眸景物宛江南蕭爽恰新秋誰云其瘴土於

此甜清遊

銀筓疾於箭濺波如美在迴流忽倒行篙師莫

措手搖曳度雞籠石壁誰斧剖檐如復森如新

婦拱姑舅連山肉勝骨奇茲水際陡

銀筓雞籠新婦灘名

鮮龍眼

衣褐居狀異寧當字荔奴光疑珠出浦溫想玉

為膚參朮茲其庶椒蘭得似無十錢須百顆珍

重到三吳

晚行

載酒隨波去波翻落炤紅孤舟如畫裏秋色在

杯中

中秋棘闌坐月

止酒非關病醒看別有情酒如雲點碧醒似月

孤明蟋蟀當簫管文章見友生參橫初返戶魂

夢已俱清

閱卷已竟喜而有作

本以友爲命敢云文在茲辛勤鬼可鑒甘苦到
心知好月携敲玉孤燈對舉卮超然想深韻青
眼不須疑

宿山村

山空月滿溪蕭蕭數間屋雞黍不尋常疑是桃

源宿

途次口號

田畔如絲裊山谿篆不成艱難欺蜀道不敢料

行程

過寧都市

朱顏強半老風烟猶聽行人說少年自是壯心
降不盡眉端常有劍光懸

予以九月十二度庾嶺而西秋爽始見旅

程十日俄已入冬秋色幾何悵然增嘆

援筆述之

節分重九未知秋猶見炎雲嶺際浮明月數峰

過楚驛清霜幾樹到西州蕭蕭短劍開孤抱切
切寒砧搗別愁此日家人團念遠倚閭應上最
高樓

見水鷓捕魚者

漫說天淵從各得即今魚鳥也相殘忘機何處
尋鷓伴只合閉雲山外山

放灘

桐廬

憶昔上灘難今見放灘易逆順數所迴勞逸情

斯異衆情欣巧速膠舟亦多惴何日浣花溪釣
艇恣搖曳

吳巒穉師爲其壻莊春侯索贈勉促數言

兼訊贊伯黃子

昔年事夫子風雅高吾黨討義謝陳詮清機發
深想東牀有一士意氣常來往言禮淵源尋雄
文金石響矢志亦千秋落落乃見獎君家漆園
吏軒冕輕稿壤道韻倘可師志士寧骯髒黃子

爲問訊勗哉脫塵網

雪夜行

壬戌正月十日

何必嗟行役由來足苦辛
征車欺熟道短劔響寒津
冷暖都看雪安危却寄人
漸聞風力穩蘆火若爲春

雪晚薄霽有懷山衙梅放

晴陰結寒暉春色隱霄漢
烟消草樹出積雪轉凌亂
前山失翠微凝白驚鳥散
輕風怯衣單細

懷發長嘆雲抹一枝寒
誰聞孤艷斷

大雪曉行書所見

衰艸青寂寂春意空氤氲
洗眼皓無際鴻濛何處分
前驅落數跡馬蹄連白雲
屬情以遐睎肅肅孤松羣
龍鱗凝雪蘂素質含清芬
嗟彼委道旁蹂籍乃紛紜
托體貴得所卑棲安足云

十六憶元宵竟度

日夕一孤舟飄零雜風雨
心闌覆水雲興盡催

行鼓江月朦朧上江聲靜夜數匆匆飲已醺鄉
夢燈堪譜恍狀覺長嘆良宵不可補

舟中欣狀得名酒嘗之酸甚有嘆

夜夢足佳趣風落忽驚斷解愁賴清觴名實何
淆亂短歌問江月凝雲爲誰惋

烈風蕩舟達曙

長夜高風發孤帆怒未開將無蛟龍起直挾雷
霆回鬼嘯空江外猿吟何處哀搖搖歸夢裏驚

落故園梅

孫翁七十

且向風前醉知非又廿年蕭蕭半莖雪幾日一
炊烟意氣黃金盡交遊白髮憐窮愁何足論詩
骨老應傳

招五閣銘

有風穆如有竹森如竹以爲友風以爲輿招招
五老於焉舒徐

招招五老何以作拱雙梅自南拔葵斯種艷幽
香孤謝憐畏誦饑則餐之是萬石俸
高謝元龍澹其庶陶松青月白有酒一瓢五老
至止夜坐吹簫
吏斯勤斯穢則鋤之築此一楹停雲賦詩曰予
臨履五老鑒茲

夏日西湖局罷自狀表叔拈棋字即席首
十里西湖一局棋棋聲敲斷玉簫遲輕烟檻外

初飛幙淡粉峰頭恰畫眉靜數遊魚停落子緩
將釣艇受垂絲無多勝着高涼甚不逐春風桃
柳時

龍井寺 寺外有過溪片雲二亭

鬱紆藏山徑亭午穿林入過溪虎不驚垂鬟雲
忽立 片雲亭題 轉徑踏高峰碧潭寒露吸小閣

響沓泉如聞老龍泣是具大辨才深淺隨緣汲
杭城得李弟手報

楊梅正紫藕初肥西子湖邊浣綵衣一字泥金
一杯酒卯君昨日采芹歸

西湖即事

蘇公堤上柳如烟乞取輕陰寄畫船風動湖光
明鏡裏不知何處棹歌傳

蓮子當筵花事凋采蓮歌罷渡清霄金沙灘畔
香風度冷蘂猶看護絳綃

靜夜牽舟問酒帘杯殘光滿月波添笋尖柔白

難爲思十二吳姬玉指纖

斷橋停櫓酒初闌醉舞高歌徒倚看且共臥殘
橋上月抱琴從與夢中彈

空湖冷月一孤舟深坐無聲罷酒籌清影纖纖
疑近遠浣紗人在碧雲頭

爲訪歌兒渡碧澗畫船朱閣板沉沉也拚琴操
參禪去那有參寥到月林

落落齋遺集卷三

落落齋遺集卷三

落落齋遺集卷三

落落齋遺集卷三

終



